

بِسْمِ اللَّهِ الرَّحْمَنِ الرَّحِيمِ

نعمت اسلام

عقائده دائر اولان رسالدر کیفیت اعتقادہ متعلق مسائلہ منحصر اولی
لازم کاه جکنه بناء (نعمت اسلام) نامیله یازلمش اولان شو رساله جکده
عقائد سادجه اهل سنت خلاصه وجهله کوسه تریاوب اسلامک اساسی
و فوائدن بر نبذه سی آکلاداش و عبادات و وسائلک تعداد فروض
و واجباتی و بیان سائن و مستحباتی و بونلرک تعریفاتی کتب فقهه یعنی
کیفیت علمه متعلق رسالله براغلیشدر .
وبالله التوفیق

محمد ذهنی

معارف نظارت مبدی سنک رخصتیلر باب عالی جاده سنره ۲۵ نومردلی
مطبعه رده طبع اولنمشدر

نعمت اسلام

عقائده دائر اولاد رسالہ ک کیفیت اعتقادہ متعلق مسائل
مختصر اولی لازم کلمہ کہ بنا (نعمت اسلام) نامیدہ
بازلمہ اولاد شو رسالہ جکره عقائد سازمہ اهل سنت
فخره وجهہ کوستریاوب اسلامک اساسی و قوانندندہ
برنیزہ سی آکلادلمہ و عبادات و وسائلک تعداد فردصہ
و وایمانی و بیان سنن و مستحباتی و بونارک تعریفاتی کتب
فقرہ یعنی کیفیت عمد متعلق رسالہ بر اعلمشدر. وباللہ التوفیق
محمد زہنی

بِسْمِ اللَّهِ الرَّحْمَنِ الرَّحِيمِ

الحمد لله على نعمة الاسلام . والصلاة والسلام على رسوله
محمد سيد الانام . وعلى آله الكرام واصحابه العظام .

عقائد اسلاميه

اهل اسلامك قبول وصحتي جزم واعتقاد ايتدكاري اموردن
عبارتدركه تعريفات آتیه دن نمايان اولور .



ایمان واسلام یاخود مسلمانانق

خاتم الانبياء اولان حضرت محمد المصطفى صلى الله تعالى عليه
وسلم افندمزه وبيان پيوردقلى شيلره ايناتمقدر .
ايناناه (مؤمن) و (مسلم) واهل اسلام تعبير اولنور .

— ارکان ایمان —

حضرت پیغمبر بیان بیورمشلردرکه : ایمان - آلاهی
وملکاره و کتابلره و پیغمبرلره و آخرته و قدره اینامقدرا .
پیغمبر من افند من حضرت تلی ایمانی بویله تعریف بیورمش
اولدیغندن بونلر (ارکان ایمان) در. ایمان و اسلام بونلر من اولماز.

اللهه ایمان

جناب خالق کائناتک وارانغه و برلکنه و صفات کمال ایله
موصوف اولوب عاجزلکدن و اکسیکلکدن منزه بولندیغنه
اینامقدر.

حق تمالی حقنده اعتقاد ایده جکمز صفات کمال شونلردر :
موجوددر واحددر قدیم و ازلیدر باقی و ابدیدر و ازلقدده
غیره محتاج دکلدر و هیچ برشیشه مشابه دخی دکلدر .
حی و دائمدر عوالم بتون آنک امریله قائمدر . علیمدر ،
صفت علمی اولمش و اوله جق هر شیشی محیطدر . سمیمدر ،

بصیردر . یعنی سمع و بصر صفت لایله دخی متصفدر . ایشیدلمک
 شانندن اولانی ایشیدر و کورهک شانندن اولانی کورر .
 مریددر [۱] ، قادردر ، مکامدر [۲] ، مگونددر [۳] .
 بونلره صفات (ذاتیه) و (ثبوتیه) دینور .
 احیاء [۴] و امامه [۵] کبی جناب قادر قیومک هب
 کندی ملکی و مخلوقی بولنان عالمدره مشاهد اولان افعالنه
 (صفات فعلیه) تعبیر اولنور .

ملیکاره ایمان

حق تعالی نک علوی و نورانی اجسام لطیفه اوزره مخلوق و بناء
 علیه کوزه کورنمز و فقط ایستدکاری شکل و هیئتده کورنمکه

- [۱] صاحب ارادهدر . دبلر ونه دبلره آنی دبله دیک کبی ایشلر .
 [۲] صاحب کلامدر . پیغمبرلر و سماوی کتابلر هب جناب حقهک صفت کلامی
 مقتضاسیدرکه اسرار و نهیلر ایتمش و ماضی و آتی بی اخبار بیورمشدر .
 [۳] صاحب تکوین یعنی خالق العالمیندر .
 [۴] حیات و برمک .
 [۵] اولدرمک .

قابلیتی بر طاقم مخلوق مکرّمی اولدیفنه اینانمقدرکه آنلر ارکاک
ویا دیشی اولمقدن ویورلمق و اوصاتمق کبی احوالذن عاری
وکندیلرینک وظیفه سی دائما طاعت باریدرم. طاقت بشریه نک
فوقنده ایشر کوردرلر .

بشرده اولدیفنی کبی آنلرک دخی افضللری واردلر .
افضلرندن بری حضرت جبریلدرکه رسل عظامه واسطه وحی
اولمشدر .

کتابلره ایمان

قوللرک سمادت وسلامتلیچون حق جلّ وعلانک بعض
اندیاسنه کتابلر کوندرمش یعنی قوللره تعلیمات الهیه اولمق اوزره
اندیاء کرامه امرلر ونهیلر وعبرت آمیز قصه لر وموثر دعالم
وموعظه لر وحی وارسال ایلمش اولدیفنه اینانمقدر .
بوکتب الهیه نک اک مکمل وافضلی قرآن عظیم الشاندرکه
نوع بشرک قیامته قدر کرک خالقو وکرک مخلوقه قارشو

اوله جق وظائف عبودیت و انسانیته دأراولان او امر و احکامی
و مکارم اخلاقی و اسباب سعادت و فلاحی تمامیه جامع و هر کس
ایچون هر وقت مفید و نافعدر .

او کتاب عظیم حضرت ابراهیمك صحفی اولدیفنی و حضرت
موسایه تورات و حضرت داوده زبور و حضرت عیسایه انجیل
ویرلدیکنی ناطقدر . بناءً علیه آنلرك دخی او رسل عظامه وحی
و نزولنی تصدبق ایدرز . انجق قرآن کریم بزى آنلردن اغنا
ایلدیکی جهتله آنلرده اولانی آرایوب صورمغه لزوم کورمیز .
قرآن عظیم الشان ایله عمل ایدرز .



پیغمبرلره ایمان

جناب حقمك محضا کندی فضل و کرمندن بعض عبادینی
نبوت و رسالت یعنی وحی و بعثت ایله ممتاز قیلوب قوللرینه
اولان امر و نهینی آنلر واسطه سیله اجرا ایتدیکنه و بعضلرینه

کتاب و مستقل شریعت و معجزات دخی اعطایا بیوردیفنه
ایناقمقدر .

آنلرک اوآلی ابوالبشر اولان حضرت آدم و آخری پیغمبر من
افندمن حضرت محمد المصطفی (صلی الله تعالی علیه و علی سائر
الانبیاء و سلم) در . آراده بر چوق انبیا کلوب چکشدر .
آنلردن بعضلر قرآن کریمده مذکوردر [*]

حضرت عیسی علیه السلام دخی قرآن کریمده مذکور اولان
انبیاء عظام جمله سندن و آیات الهیه دندر . جناب حق حضرت
آدمی آناسز باباسز اوله رق یار اتمش اولدینی کبی حضرت عیسیایی
دخی یایکز پدرسز اوله رق یار اتمشدر .

جمله پیغمبر امک افضللی و خاتمی پیغمبر من حضرت محمد المصطفی
صلی الله تعالی علیه و سلم افندمن در که سلطان الانبیاء اولدینی ایچون
موکب مرسلینک صوکننده کلش و، مثلاً حضرت عیسانک
کندی انجق نبی اسرائیله مبعوث و شریعتی شرع حضرت موساده

[*] هبسی مذکور دکدر . اولدیفنی بنه قرآن کریم ناطقدر .

حرام اولان بعض شیلری خلال قیلمقدن عبارت اولوب
پیغمبر من افندم نیک بعثتی ایسه بتون انس وجنه عام وشامل
وشریعتی هپسندن تام وکامل بولنمشدر . و بشقه پیغمبره
حاجت ده قالمشدر .

هر صاحب معجزه پیغمبر نیک معجزه سی کند ی زمانیه کچمش
اولدینی حالدیه بزم پیغمبر من افندم نیک کتب سیر واحادیده
مذکور معجزات کثیره سنیه لرندن ماعدا برده معجزه
مستمر لری وازدرکه اوده کلام قدیم الهی اولان قرآن عظیم
الشاندر . تلاوت واستماعیه دائما تلذذ وتشرف اولنمقده وه
سرده نیجه بیک حفاظ او کتاب عزیز ی حفظ واز بر ایتمه کده در
کندی لری خاتم النبیین وزحمة لامالین در .

یوم منعمیت ده شفاعت عظمه الیه بالجملة امم انبیانک اهل ایمانه
ابرازمنت ومنعمیت واحراز مقام عالی محمودیت بیوره جقار در .
اللهم آتفنا بشفاعته وأکر منا بکرامته .

اخرتہ ایمان

حق تعالیٰ نك بو عالی یوقدن وار ایتدیکی کبی الی ماشاءابقا
 بیوردقدن صکره بوکا ختام ویروب بشقه برنشآت دها پیدا
 ایده جکنه و محو و امانه بیوردینی بالجمله ذوی الارواحی یکیدن
 احیایله بریره کتوروب ایبلر ایلمکنی و کوتولر کملکنی کوره رک
 محاسبه و محاکمه ایله برابر عدل و فضیله معامله بیوروب اهل
 و مستحقنی دارالعداب و العقوبه اولان جهنمنه و اهل ایمانی
 کنندی فضل و کرمیله دارالفوز و السرور اولان جنتنه ادخال
 ایله جکنه اینانمقدر .

(جهنم) اهل کفر حقنده مؤبد دارالتعذیبدر . مؤمن عاصی
 حقنده جزای نعمانی کوره جکرا ایچون موقت دارالتأدیبدر [۵].
 (جنت) ایسه سکنه سیچون دارسرور سرمدیدر .

سؤال مُشکَرِّین و هَوُولِ قِیَامَتِ و حِشْرِ و حِسَابِ و مِیْزَانِ

[۵] اهل ایمان کننا مکار بولونیده جناب حقاك عدل الله معامله بیورمنی دیله دیکی
 لیسهل طوغریجه جنته کیده، یوب مسؤل قالورلر و موقناً معاقب و معذب اولورلر .

وصراط کبی عالم برزخه ویوم آخرته متعلق هر نه اخبار پیورلمش
ایسه هپسی حقدر .

قدره ایمان

خیر و شر هر نه واقع اولور ایسه هپ حق تعالی دن اولد یغنه
واللهدن ماعدا خالق اولمیوب خیر و شرک خالق و هر کسک
کیفما ایشاء رازقی او اولد یغنه اینا مقدر .

انسامک ارکک و یا خود قیز طوغمه سی و دنیا یه کلمسی و آخرته
کیتمسو کندی النده اولدینی کبی حادثات عالم و افعال و اوضاع
نبی آدم دخی جناب حقک حکم و تقدیری و خلق و ایجاد
آلنده در .

آنبحق آجیقمق و طویمق و او یومق و او یانمق و نفّس آلمق مثلی
انسانده بر طاقم اضطراری حالر اولدینی کبی او طوروب قالمق
و بریره کیتمک و قیرمق و کسمک کبی اختیاری فعللر دخی واردر .
جناب حق انسانه اراده صفتی و یرمشدر و عادة الله بویه جاری

اولمشدرکه انسان اراده سنی . مقدور بشر اولان هر هانکی
 فعله صرف ایدرسه حق تعالی او فعلی خالق وایجاد ایدر .
 انسان اراده سنی صرف ایتمزایسه خالق جلّ و علا دخی خلق
 ایامز . فعل عبدکسب و اختیار جهتیه کندینک وخلق وایجاد
 جهتیه خالقنکدر . بوندن طولانی هرکس کندی فعلی اوزرینه
 مثاب ویا خود مُعاقب اولور .

— ❁ بناء اسلام ❁ —

برکیمسه ارکان ایمانی بویله جه تصدیق و اعتقاد . ایتمش اولدینی
 حالدّه حضرت خاتم الانبیایی تصدیق ایتمش و عندالله مسلم اولمش
 اولور . ظاهراً دخی مسلم طائمیق ونور ایمانی اکمل وانتم اولمق
 ایچون (اسلامک بناسی) تعبیر اولنان شیر ایلّه عامل اولمق
 دخی لازمدره . پیغمبرمن افندمن بیورمشدرکه : اسلام بش
 شی اوزرینه بنا اولمشدر (۱) شهادة ان لا اله الا الله وان
 محمداً رسول الله یعنی حق تعالی نک برکنه و حضرت محمدصلی

اللہ تعالیٰ علیہ وسلم افند منک رسول اللہ اولدیفنه [*] شہادت
کتورمک، (۲) نماز قیلمق، (۳) اورج طوتمق، (۴) زکات
ویرمک، (۵) حج ایتک، در .



نماز قیلمق

قیام وقراءت ورکوع وسجود وقعود فعللریله جناب حقه
عبادت ایتکدر .

(قیام) قبله یه قارشو یعنی مکة مکرمه ده کی بیت معظمه
طوغری ال باغلابوب آیاقده طورمقدر .

(قراءت) قیامده قرآندن برشی اوقومقدر . خاصه فاتحه
سوره سی وفضله اوله رق بشقه برسوره ویابرقاج آیت اوقنور .
(رکوع) آیاقده ایکن اکیلوب لا اقل اوچ کره «سبحان
ربی العظیم» دیمکدر .

[*] بتون پیغمبرل الهک قوللریدر . پیغمبر من افند من درخی جناب حنک قول
ورسولیدر .

(سجود) اوطوروب یره قیامتق ولا اقل اوچ کره
«سبحان ربی الاعلی، دیمکدر.

بودرت فعمک مجموع حاصلنه (رکعت) تمبیر اولنور. بر رکعتده
بر رکوع وایکی سجود بولنور. نمازلر رکعتلردن تشکیل ایدر.
(قعود) اوطوروب التحیات الخ اوقومقدر. بو، نمازک
صوکننده وبرده هر ایکی رکعت عقبنده اولور.

بونلر (یعنی قیام، قراءت، رکوع، سجود، قعوداخیر) نمازک
ارکانیدر. بونلرسز نماز اولماز[*] و نماز قیلان آدم حضور حقه
دیمک اولدینی جهتله ادیبانه و خاشعانه طورب ایکی طرفنه
باقه ماز و کیمسه یه کلام ایده مز و جواب و یره مز. کیمسه دخی
آکا برشی صورده ماز و اوکندن کچه مز.

نمازه طورر ایکن «الله اکبر» دیو طورر و رکوع و سجوده
وارد قجه و قیام و قعوده کیتد کجه «الله اکبر» دیر. نهایتنده «السلام
علیکم ورحمة الله» دیو ایکی طرفنه سلام ایله نمازه ختام ویرر.

[*] رکوعسز و سجودسز نماز جنازه اوزرینه ایدیلان نیازده اولور.

شمسك طلوع وغروب واستوا زمانلری مستثنی اولق
 اوزره هر وقت [*] جناب حقه بوجه اخلاص بر چوق ركمت
 نماز قیلنه یلور وایکی یا خود درت ركمتده بر سلام ویریلور.
 اسلامك بناسی و دینك عمادی اولق اوزره بش وقت
 نمازی واردرکه آنلر هیچ ترك اولنه ماز: صباح، اوکله،
 ایکندی، آقشام، یانسو.

صباح نمازی (۲۰۲) درت ركمتدر. اوکله نمازی (۲۰۴ و ۲۰۴)
 اون ركمتدر. ایکندی نمازی (۴۰۴) سکز ركمتدر. آقشام
 نمازی (۲۰۳) بش ركمتدر. یانسو نمازی (۳۰۲ و ۳۰۲) اوز اوچ
 ركمتدر. بونك صوکنده قیلنان اوچ ركمت (وتر) نمازیدر.
 برده جمعه و پیرام نمازلری واردرکه آنلر آنجق شهرلرده
 و منبرلی جامعی اولان بیوجك کویلرده قیلنور و آنلری
 قیللق آنجق ارککاره وارککارك دخی کوله و خسته و یولجی
 اولیانلرینه لازم اولور.

[*] نوافل ایچون دها مستثنی وقتلر واردر.

(جمعه نمازی) جمعه کوئی اوکله وقتی جماعت ایله قیلنن
ایکی رکعتدن عبارتدر [*]. اولجه خذله اوقتمق لازمدر.
(بیرام نمازی) رمضان و قربان بیراملرنده ایلك کوئی
طلوع شمسدن قرق دقیقه قدر صکره جماعت ایله قیلنن
ایکیشر رکعتدن عبارتدر که بونده فضله آلتی تکبیر واردر.
نمازدن صکره خطبه دخی اوقنور.

طهارت

دینیزره هر وقت بدنمزی و لباسمزی و مکانمزی واستعمال
ایده جکمز صویب تمیز طوتماسمزی امر ایتمکده اولدینی کبی نماز
ایچون دخی بشقه جه برحاضرلق امر اییدیور که اوده آبدست
آلوب نمازه کیملی و تمیز اوله رق طور مقدر.

آبدست

درت فعلدن عبارتدر: (۱) یوزینی ییقامق، (۲) قوللرخی اللریله

[*] صلات جمعتک درت رکعت ایلك سنتی و درت رکعت صولک
سنتی واردر که بونلر منفرداً قیلنور.

برابر دیرسکارینه قدر [۰] ییقامق، (۳) باشنه صوسورمک، (۴) ایاقلرینی طوقلریله برابر ییقامق.

باشه صوسورمکه (مسح) تمیر اولنور [۰۰] او، بر کره اولور و باشک درت بلوکندن بر بلوکنه و ممکن اولور سه هر طرفنه یاپیلور یوز ییقامق وال وقول وایاق ییقامق اوچر کره اولور.

حدث یا خود آبدستسزک

بوزلمدقچه بر آبدست ایله بر قاق نماز قیلنور. آبدست گوجک و بیوک قبضاء حاجت ایله و او یومق ایله و انساندن ریج کلمک و بریری قانامق و چیبانی دشیلیمک و یاره سی ایشله مک ایله بوزیلور. آبدستی بوزیلان آدم نماز قیله جق و یامصحف او قویه جق و یا خود جامعه کیره چک اولدقده آبدست الور. نمازی آبدستسز قیله ماز.

[۰] دیرسکارینی دخی ییقار. اللارینی اولجه ییقادینی صره ده آغزینی و بورتنی دخی اوچر کره صو آلهرق تمیزلر.
[۰۰] باشه مسح ایدلدیکی صره ده النک یاشیله قولاغنک ایچنی و ارقه سفی تمیزلر و شاه طمرلری اوزرینه دخی النک ترسیله مسح ایلر.